

Enformaziuns y Comunicaziuns

Unité Pastoral: La Unité Pastorala Val Badia pïta la poscibilitè da jí sò Oies por se pissié, s'encunté o se baié fora con n preo, vigne vëndres dales 16:30 ales 18:00.

Cör de Gejú: En domëgna ai 30 de jügn ánse la gran festa dal Sacher Cör de Gejú, con S. Mëssa da festa y la prozesciun eucaristica con dui vagneli. La mëssa sará en cösc dé belo ales 9:30. I enviun da tó pert con convinziun y ince respet.

KVV Senioreclub: En dedemesaledema ai 26 de jügn pëiun ia cole bus de ligna ales 8:20 dal Cone demez, por jí sön Börz y enló en toch a pé.

Conzert: En sabeda ai 29 de jügn ales 20:00 él te dlijia da San Martin en concert con l'ensemble "Il Pinzimonio Locale", formé dai 5 muzisisc Gudrun Mayrl - sopran, Irene Clara - mezosopran, Elisabeth Fistill - alt, Renzo Huber - tenor, Raimund Pitscheider - bas. Al portará dant ciances dal tomp encër le 1500, do le dit dal emparadú Maximilian I. "Tin mosöra y pensa ala fin".

Sorvisc ai Jogn: Les schires joniles y i ministronc dla Val Badia con le Sorvisc ai Jogn organisëia ince eniann la "Festa di Mituns" ta San Martin, le dedolönesc ai 9 de messé. Al vën chirí voluntars co daidass: te ciasadafü, da romené jö mëses, da pastlené, pa val' jüc o ciantun creatif. An pó daidé döt le dé (9:00-16:30) o ince ma mez le dé (danmisdé o domisdé). Vigne aiüt é bënödü. Prëibel se lascé adentëne pa Dennis al 346 9570357 anter le vëndres ai 28 de jügn. En gran iolan a düc chi co se mët a desposizium!

Festa: En sabeda ai 29 de jügn él tló Al Plan la gran festa por i 10 agn dla nominaziun dles Dolomites a Patrimone mondial UNESCO. La festa mët man ales 10:00 danmisdé con na mëssa sön plaza dla festa, pa paiun, zelebrada da don Paolo Renner y nosc ploan signor Heinrich. Dedô at ofizial con discursc y ia por le dé él musiga y intratenimont, stonc creatifs y d'enformaziuns eten da chi Pëscpësc sò. Ales 14:30 gran defilada dal Règn de Fanes, co vá dla Ciasa dal Parch tres Plazores, cina tal zënter.

Programma Generale: Al vën endô organisé le program de ativités sportives por mituns y mitans nasciüs danter le 2005 y le 2012. La pröma encuntada é en lönesc 24.06. ales 10:00 ete dal ciamp dal sport. Enformaziuns ciafun pa Marco al 338 4274261.



Gejú á dit: "Chi co crëi te me, vir ince sce ai mör!"
La comunité d'Al Plan tol comié da
Anna Tavella vëd. Trebo morta al'eté de 77 agn.
Ai familiars les condolianzes plü sontides.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann C


**23.06.19 - Gran festa d'Les Antlés - Corpus Domini
Prozesciun Eucaristica**

nr. 30

Y düc á mangé y é gnüs pasciüs!

Dal Vagnele dô San Luca 11b, 17

Te chël tomp ^{11b}ti cuntâ Gejú al popul dal règn de Dio y varia düc chi co â debojügn de so aiüt. ¹²Canche le dé jea a fin, él gnü i dodesc da d'ël y á dit: Orcia demez la jont, ch'ai vái tai païsc y tai lüsc encëria, y ciafi enló alberch y val' da mangé; deache tló sunse t'en post a desman. ¹³Al á respognü: Dedi os val' da mangé! Ai á dit: I n'án nia, ater co cin' pans y dui pësc; i messassun en iade jí nos enstësc a ti cumpré da mangé a dōta cōsta jont. ¹⁴Al ea encër cin' mile ëi. Al ti á respognü a sü discepui: Dijedi, ch'ai dess se sonté adöm te gröms da cincanta. ¹⁵I discepui á fat ci ch'al ti á dit,



y á ciaré che düc se sontass. ¹⁶Gejú deperpo á tut i cin' pans y i dui pësc, á ciaré sò a cí, i á benedí y i á rot jö; spo ti ai ál dé ai discepui, ch'ai i partiss fora ala jont. ¹⁷Y düc á mangé y é gnüs pasciüs. Do ch'an á albü coü adöm i toc de pan avanzés, n'ël dodesc cësc.

Parora dal Signur. - Lait a te, Gejú Crist!

Ligrëza

Le jonn **Stefano Trevisan** é encö pai combonians a Napoli. Al á lascé alessëi che ai 21 de messé fajarál i „voti perpetui” y ai 28 de messé gnarál ordiné diaconn. Les zelebrazions sará a Napoli. Cösc dess ester por nosta comunité na rajun de ligrëza. I orun ince nos acompagné Stefano sön cösc tru con nosta oraziun, perienn por ël dan chisc vari emportanc.



Domègna: 23.06.2019: Les Antlès – Corpus Domini - Prozesciun



Oferta por i bojügn dla ploania

8.30: S.M. a La Pli

9.30: S.M. solenne de renger. dla SS.Eucaristia
Prozesciun con 2 Vangeli desco i atri agn

N.B.: proun da partecipé con convinziun y respet

18.00: Prozesciun dles Antlès a Mantèna

Vangeli, Benedisciun dai punc' y dai rüs

Lön. 24.06.:

Nadé de S.Giovanni Battista

7.30: S.M. por +nc' Franz y Tone Obwegs, Garsun

S.M. por +nc' Edwin y Leopoldine Reiserer

S.M. por +nta Obojes Maria Pia

S.M. por +nta Maria Fischer ved. Hofer

S.M. por +nc' Willeit Pire y Rosa, da Sach

Dédol.25.06:

Feria dla 12. edema: Sa. Eleonore, Sa.Dorothea

19.30: Corona dô intenziun

Dédem 26.06:

Feria dla 12. edema: S.Vigile, Sa.Josefmaria Escr.

18.00: S.M. por +nc' Angelo y Maria Comploi

S.M. ad int. y renger. de na porsona

S.M. por +nta Maria Willeit, Cianoré

S.M. por +nc' Riccardo y Caterina, Sotrú - Badia

S.M. por +nta Mussner Tania

Jöbia 27.06:

Feria dla 12. edema: Sa.Emma da Gurk, S.Cyrill

Vijita personala te dlijia y cortina

Vèndr.28.06:

Festa dal Sacratissimo Cör de Gejú: S.Irenäus

7.30: S.M. por vís y +nc' dla Fam. Frenner de Pincia

S.M. por +nc' Francesco, Letizia Cobelli y Seropé

S.M. por la pêsc tal monn

S.M. por +nta Clara Trebo de Pire

Funziun dal Sacratissimo Cör de Gejú

15.00: Ora de oraziun – adoraziun

16.30 - 18.00: Confesciuns sö Oies

Sab.29.06:

Festa dai Sanc' Apostui S.Pire y S.Paul

10.00: Söl paiun: S.M. de renger. 10 agn "Unesco"

Zebrant prinzipal: Dr. Paolo Renner

N.B.:

S.Crusc: S.M. y ores de adoraziun

18.00: S.M. aniv. por +nt Matthias Call de losc

S.M. aniv. por +nt Manfred Krämer

S.M. aniv. por +nt Franz Obojes da Majun

S.M. de renger. por Fam. Mutschlechner Roland y Clara

S.M. aniv. por +nt Pire Rindler de Costata

Dom.30.06:

Festa sol. dal Sant. Cör de Gejú: prozesciun

Oferta por i bojügn dla ploania

8.30: S.M. a La Pli

9.30: S.M. sol. en onú y renger. dal Sacher Cör de Gejú

Prozesciun con 2 vangeli: Auf zum Schwur



Festa dles Antles

Signur Gejú, t'ás dit: Le pan che iu dará, é mia cern por la vita dal monn. Chèl co mangia mia cern y bër mio sanch á la vita eterna, y iu le fajará ressorí l'ultim de, deache mia cern é veramonter boanda. Chèl co mangia mia cern y bër mio sanch resta te me, y iu te èl". (Jan 6,51. 54-57)

Signur Gejú, t'ás dit: Restéde te me, spo resti iu te os. Desco la rama d'öa n'é nia bona da porté früc da èra enstèssa, mo ma sce ara resta tacada pal lëgn, ensiö ne sëise gnanca os bogn de porté früc, sc'i ne restèise nia te me. Iu sun la planta, os sëis les rames. Sce os restèis te me y mies parores resta te os, spo periede do ci ch'i orèis: I le ciafarèis. (Jan 15, 4.5.7.)

I periun:

Gejú, nosc Salvatur, por amur a nos éste dötorela tla forma dal pan presént ennanter nos. I te rengraziun de cösc y te periun: Láscesse ester dëgn de to amur.

Oh Signur, no se lascé susc, mo stá pa nos y scínchesse tres endò le pan dla vita. Con la forza de cösta spèisa formunse ennant la comunité de töa Dlijia dan dai edli de Chèl Bel Dio y dan dala jont. De cösc te periunse tal unité dal Spirit Sant. Amen.



Das Evangelium berichtet vom Letzten Abendmahl Jesu mit seinen Jüngern am Gründonnerstag. An diesem Abend machte sich Jesus uns im Sakrament der Eucharistie zum Geschenk, doch die Freude darüber steht im Schatten des Karfreitags, im Schatten seines Leidens und Sterbens. Deshalb feiern wir seit dem frühen Mittelalter Fronleichnam, um unserer Freude über das Geschenk Gottes einen besonderen Ort zu geben.

Sorvisc dai Ministronc

Lönesc 24/06 (7:30h), Dedemesaledema 26/06 (18:00h), Vèndres 28/06 (07:30h): Thomas Palfrader, Jan Ties;

Sabeda 29/06 (09:30h) 10 agn Dolomites Unesco: Sofia, Marco y Lisa Alberti, Valentina Erlacher, Moltina Clara, Claudia y Susan Kaneider, Matteo Huber, Elias Obojes, Isabel y Sandra Ties, Jan Paul Promberger, Mattia Leggio, Sofia Castlunger;

Sabeda 29/06 (18:00h): Philip Palfrader, Simon Comploi, Nathan Migliorati, Emma Daverda, Paul Trebo, Caspar Videsott;

Domègna 30/06 (09:30h) Sacher Cör de Gejú: Jan Paul Promberger, Mattia Leggio, Sofia Castlunger, Elias Obojes, Valentina Erlacher, Lisa, Sofia y Marco Alberti, Lucy Call, Matteo Huber, Michael Leimegger;

N. B.: Düc i ministronc é entres begnodüs da gní a sorví, ince sce ai n'é nia scric sö!

